


桃源縣志

五
3528

36
:1-10



桃

源

縣

志

桃源縣志序



天下有物地載之古來有事
史載之邑於地廩之一粒也志
於史身之一體也一體而賅乎
疆域山川之界學校兵刑之制
忠孝節義人物之英多事石
訪賈藝文之閱富惟隳賢士大

桃源縣志

卷首

序

夫有牧民成俗之責者徵人事
驗天運學也而政治繫焉自晉
陶靖節有桃源之說或共以謂
荒唐然逮宋乾德中且析武
陵之屬而邑以建今讀泉明
詩曰淳薄既異源旋澆之俗
蔽似之者也夫桃源之富不享華

其存而返之使歸於淳此有道者能之易三百八十四爻稱仁者一復之初即剝之上碩果不食是也當剝且極變而純陰於十月之卦屬亥先以亥茂木為核繼以子茂果為仁而泉之自山下出也其象蒙其基聖源焉耳然

則請節載筆豈不以人心俗尚之淳有取於桃之核中有仁而天一相生則在不汨其源以迄於盛大洪惟我

朝淳風遐邇常郡所屆稱盛於楚余按試道桃源境環則沅水拱則綠羅高吾峙其東白馬踞

其西遐阡繩直通陌如咫喟然
嘆向之所謂無問津者由康
普化昏蕩平也 篋園明府既
莅茲土三載改成人和百廢脩
舉慮舊志之日就剝蝕也修
輯之加詳焉烏虜文亦可知改
也已 明府將以卓薦入都素

請曰願有序余樂其政俗之
淳而又願邦人士之恪承勿替
也故為茲其端以諗來者
時

道光元年歲次辛巳秋九月

進士出身 日講起居注官翰林
院侍講教習庶吉士提督湖

南學政晉江許邦光撰

枋源縣志

卷首

四

重刻桃源縣志序

志為史體之一而方志則賅史之全體非三長兼擅未為完書近代如武功靈壽諸志卓有體裁尚矣余幼聞會稽章實齋先生之論謂志乘雖限於方隅然紀表志傳須略仿史裁視其地之劇易泰寧

通焉方可備一邑之掌故而為史家所取材及觀先生所成之永清志和川志信然以長守難哉良園譚君宰桃源之三年以縣志百餘年未修懼後人所考殷勤編輯於道光元年辛巳夏勒成一書付諸剞劂告成未幾旋燬於火良園

復度村鳩工重加鐫刻既歲事請
序於余會余將有閩海之行而良
園以政成報最擢任永順司馬官
轍分馳後會北茫：良園盡心文教
之意不可沒而余與良園踪跡離
合亦不可弗誌也故為序其緣起
如此玉書之體例及續有增加之

文備載篇章覽者詳焉

道光四年正月福建汀漳龍觀
察使前常德郡守膠西張曾
霽撰

重修桃源縣志序

邑之有志非徒辨疆域改沿革為殫洽見聞之助也將以覘風俗之淳漓稽政教之得失示標準興勸懲治究其本原澤遺乎久遠顧知此者難其人仇吏喜論已即有一二賢明之宰

或以差勞鞅掌未暇及焉脩而明之因時而損益之犁然大備灑然可觀待賢有司哉楚南桃源縣志草創於明萬歷間康熙乙巳乙丑重修者再至雍正己酉始成素距今九十餘年官私土者不下數十人未有增緝

之者邑於明季為用武之地闖
獻二賊先後據澧州侵邑境民
鮮安處

國初蕩平疆土時又有吳應奇據
辰就閩與官軍持久不下四起
烽煙軍書旁午人言譴武以
自衛故仍流於剽悍而不自

知舊志之成治平未久文獻無
徵多闕而未備覽者憾焉余
守朗城之次年因公事至邑
譚君君良園為邑宰相與披閱
舊志按其圖記稽其人物慨
然嘆曰昔驅馳戎馬之場今
環繞桑麻之植昔稱赴于城

之選之盡彬之儒雅之林非
國家深仁厚澤涵煦於百數十年
之久其能致此乎亟宜書之簡
牒以備輜軒之採時良園方
以重脩邑志聞余之而躍然
起也曰謹受命譚君名震箕
園其自號雲南永北廳人為余

同年張南菘銀臺典試所得
士銀臺數稱生躋余故未後面
而心儀之下車相見懽若平生
詢之僚屬及邑中紳士耆老以
逮編氓無不稱今之賢者出銀
臺之非虛譽也履任三年遇事
無苟且與民休養生息訟獄以

簡百廢具舉會屬

計典余臚列其居官之實政以聞
於上臺上臺以聞於

子

許入觀志書適成請序於余之覽
其大槩約其旨趣援引核實微
顯闡出於邑之風俗政教尤詳

桃源縣志

卷首

序

四

且悉乎其深得化民率俗之要欵
篋圖歸美於文孝廉方明經輩
編纂之功余謂非主脩者苦心孤
詣不及此也時卸篆身郡士民
擁簷相送作詩歌文詞以揄揚
美政者百餘人既刊刻成帙他日
宜列之志後以記一時之盛云

道光元年八月上澣

進士出身

授中憲大夫湖南常德府知府前
禮部儀制主客二司掌印郎中隨
帶加二級紀錄七次長洲彭希鄭
撰



敘

禹貢詳山川不詳風俗幽風紀物產
不紀人才魯史則借及祿祥漢書
則不遺雜傳其宏文奧義類皆治世
之猷而為政者所當法今之縣令即古
之侯伯提封百里因之早何由而裁教養
何由而興則非詳覽邑乘不為功邑

桃源縣志

卷首

敘

自淵明作記人爭艷之我

朝幅幘邁前古厚澤覃敷辟秦人早
安淳化矣第當渙默之衝明季遭燹
火舊志無傳自康熙雍正間始纂修
成書及今又百餘年人事日新景物
日盛失今不輯后將焉考且舊志漫
渙薄蝕竟無完字則雖有圖治者

亦無自執其樞戊寅歲余任斯土
歷覽周遭雞犬桑麻隨處與淵明
所記不殊又何必專指秦人古洞為
漢人所至地哉但昔稱仙邑今號塵
區又民多好訟治者難之竊思直道
而行今不易古曰隨時隨事廣為引
喻民皆安余之拙而爭訟之風少息

且科第蟬聯義行鶴起又

聖宮書院塔功義渡下及橋梁道路皆
樂輸成功則更宜志乃就文孝廉昆
仲所抄本延通家方冉亭纂脩余
宜其成於鞅掌之餘自庚辰春至辛
巳夏告竣絕者復續隱者俱顯洞
天福地幽壑奇峰按圖可考也義

夫節婦孝子忠臣睹名知興也戶口賦
役農田學校秩然若立畔也碑銘篆
刻詩歌文辭燦然若披錦也前人
之墜緒蓋明後人之考稽有標杆
以備輜軒之采扃以啟勸懲之心而
古者懷伏波之孤忠覽勝者識梁
崧之遺愛斯足為治譜也哉雖然

古稱移風易俗類非俗吏所能為余
日事簿書望古循吏而多慚且願
任三載又將赴上桃之士民其果能
遵吾教令互相勸勉直使戶盡可
封句負我

朝重熙累洽及各

大憲化民成俗之至意則此志之至

道之權輿又豈特掇魏科取顯官為
人才輩出之徵哉至詳畧異同已載
各條中不贅錄是為序

授文林郎知常德府桃源縣事戊
辰科同考試官加十級紀錄十
四次卓異候陞汝西譚震序



道光元年歲次辛酉仲

夏月中浣